



ARUBAANSE COURANT

DIARIO ARUBANO

EDACCION Y SUBSCRIPCION TEL: 2116
MANAGEMENT Y ANUNCIO TEL: 1116
MANAGER: E. WOUTERS

DIALUNA 25 DI JULI 1966

EDITA PA: ARUBAANSE DRUKKERIJ, UITGEVERS
& PUBLICITEITS MIJ N.V.
IMPRIMI PA: DRUKKERIJ "DE STAD"



"Paradera ofreciendo flor na
Beatrix y Claus."



E foto aki ta muestra princesa Beatrix subiendo e trapi na Andicuri, despues cu el a caba di filma. Por mira e prinses mas adilanti bisti na blanco.



Diasabra atardi durante e bishita na e plantage Andicuri di sr. Cornes Yarzagaray, sr. Eduardo Ellis y su staff di hotel "Cactus Inn," a ofrece awa di coco na e pareha real, mientras cu un caha di orgel tabata entona "Archie buck me up." E foto ta muestra prins Claus cu un coco den su man y un di e waiternan ta ofrece un "tiki" for di e butishi, p'asina haci e bebida un berdadero "Aruba Cocktail." Aki tambe princesa Beatrix a haci uso di e oportunidad pa filma algun paisaje.

Plymouth a conkista titulo femenino di basket

Ganando e ultimo y decisivo wega di playoff contra di Aruba Jrs e damanan di Plymouth a poder di e titulo di campeon di

Aruba pa anja 1966. Promer wega di e playoff senjala pa tres y cu mester a bai full a wordu gana door di Plymouth.



Durante e "cold-buffet" di diasabra anochi den Strand, S.A.R. Princesa Beatrix a hanja un serenata na su mesa pa e conocido "Trio Huasteca". S.A.R. a aprecia e gesto aki asina hopi, te cu el a pidi e trio pa complace cu "Las mañanitas," lo cual a sosode mesora tambe. Na robez por mira gobernador mr N. Debrot y na drechi, sr. Bob Lopez Henriquez di Kiwanis.

Despues Aruba Jrs a mantene su speransa ganando e di dos wega. Pero e tercer y decisivo a caba den un triunfo pa Plymouth cu score di 15 pa 10.

Yolanda Bislick tabata e mihor anotadora di Plymouth e campeonnan nobo cu 9 punto, mientras cu Alcida Fingal tabata e mihor di Aruba Jrs cu 4 punto riba su nomber.

E team femenino di Aruba Jrs a keda subcampeon. Otro titulo cu a wordu dicidi e mes anochi ariba cancha di Tivoli tabata di e division di Junior.

E teamnan di Aruba Jrs y St Jans Knapen a termina e campeon empata. Diamars anochi e playoff entre nan dos a cuminsa ganando Aruba Jrs e promer wega 24-17.

Dos tras di otro Aruba Jrs a haci'e e ora cu el a gana tambe e segundo wega e blaha aki

cu score di 29 pa 21. Topscorer di e campeonnan di Junior A tabata R. Nicolaas cu 8 punto. Di St Jans Knapen e sobresali C. van Heijningen cu 9 punto.

St Jans Knapen a keda subcampeon di anja 1966. Unicamente den e division masculino clase B mester cal decision ainda ta cual equipo lo bira campeon y cual subcampeon.

E quinteto di Plymouth ta e-sun cu e mihor chensnan ya cu nan ta invicto ainda den e playoff contra tres otro team. Un victoria mas pa nan lo duna nan e titulo.

Den e caso aki e cuater titulonnan di campeon di basketball di e anja aki lo keda igualmente reparti entre e clubnan Aruba Jrs y Plymouth.

Ya den masculino clase A e titulo a bai pa Aruba Jrs, mes-

kos cu den e division di Junior. E titulo femenino a keda pa

Plymouth club cu tin awor e mayor probabilidadnandi conkista e titulo di clase B.

ROBERT NAHAR

Steelconstruction Co.,
Fergusonstraat 45.
Tel.: 1834.

- * TINDSMID
- * TRABAO NAN DI
WELDER
- * HUURMENTO DI
MACHIENNAN DI
WELDER, GRUA Y
COMPRESSORS.

Union di trahadornan di hotel ta harta cu Mr. Wortman

ORANJESTAD - Den un comunicado na tur su miembronan, despacha dia 23 di juli p.p. e Union di Trahadornan di Hotel (Hotel Werker Unie) ta expresa su desaprobacion pa e sistema den cual e actual manager di Aruba Caribbean Hotel, sr. Wortman, ta dirigi e asuntonan di e hotel.

E comunicado ta haci mencion di cu especialmente e trahadornan ta bira victima di e accionnan di mr. Wortman, kende - segun e comunicado - ta hiba un politica completamente diferente cu esun di su antecesoran. E comunicado di e Union di trahadornan di Hotel cual - naomber di e directiva - tabata firma pa sr. John Hart, ta contene lo siguiente:

"Na tur miembronan:

For di tempo cu sr. Wortman a bini Aruba como manager di e hotel, poco cambio grandi a ser haci den henter e situacion obrerismo.

Sr. Wortman a ser bon ricibi por di empleadonan di Aruba Caribbean Hotel y tur cortesia worde extende.

E comunidad di Aruba y e trahadornan en general ta conoci pa hospitalidad y comprendemento. E shete anja di progreso, comprendemento y cooperacion cu tabata existi promer cu SR. Wortman a yega ta na peliger, pasobra e no ta coopera. Maneha nos ta mira, e kler gobierna manera un dictador. Papiando di discriminacion, parce cu e ta ena te na sugarganta. Pa motibo su actitud, e gran mayoria di

e trahadornan di hotel no ta satisfecho y esey ta inclui supervisoran y hefenan di departamento. Durante di superperiodo cortico di manager, el a kita mas trahador den e historia di hotel cu cualkier otro representante di management.

Sr. Wortman a viola e contract door di nenga di duna trahadornan local e oportunidad pa cualifica pa promocion. Energicamente nos taprotesta contra cualkier trahador estranhero como manager di Coffee shop, pasobra nos sabi cu Aruba tin trahadornan cualifica pa ehecuta e trabau aki. Varios biaha nos union a purba di tene discusionnan cu sr. Wortman pa resolve e cantidad di violacion - y kehonan, pero ta parce cu e no tin respet pa e union, trahadornan, nie contract.

El a viola e contract cu e debenan di trabau di trahadornan y awor algo ta malu cu salario di trahadornan.

Ta dificil pa nos determina door di cual porta e placa a sali, pasobra e trahadornan ta worde paga pa un sistema di punto cu por worde manipula con cu management kier. Di tur e managementnan di hotel, awor ta e periodo mas malo bau di management di

Auto a boltu y pega candela na Pos Chiquito

POS CHIQUITO - Pa un' or dia-omingo marduga, un auto di familia a boltu net den e lorada ariba di Tele-Aruba, na Pos Chiquito.

Despues cu e auto a boltu el a pega candela mesora, y brande mester a duna asistencia pa paga e candela. E auto a keda totalmente destrui, tanto pa e impactonan cu el a hanja duran- bultamento y e danjonan cau- pa e candela. E danjo mate- al ta ser calcula na mas o me- tres mil florin.

E chauffeur di e auto a sali hopi for di e accidente aki. Na mo- mento cu e auto a boltu, el a ser

benta for di e auto y ela cai riba caminda y a sufri solamente algun herida leve. Si en caso no a ser benta for di e auto, anto por tabata posibel cu e lo a su- fri danjo personal mas serio. Afortunadamente cu e accidente a limita solamente heridanen leve pa e chauffeur.

Por lo demas, e departamento di trafico na Balashi, tabatin un week-end basta tranquil esta, sacando afor esnan cu mester a companja e pareha real riba su rutanen. Un total di cinco otro choke leve a ser registra cu un danjo total di fls. 400.-

EQUIPO ANTIYANO DEN TORNEO INTERNACIONAL DI PINGPONG

(nos redactor deportivo)

Durante e fin di siman tras lomba a keda definitivamen- didi cu un team antiyano nia pa cuater hungador lo tu- parti na e torneo internacio- di pingpong cu e bond di deporte aki di Corsow ta or- nizando. E activo president CTTB H. Walters a bin con- ciencia na Aruba cu directiva ATTA y a keda acepta cu ta e forma mas fuerte posibel pa pais mester ta representa e torneo y no a base di ca- isla ariba su mes.

Pa mas a keda acepta cu e aru- no Mario Croes Jr tin un puesto sur y indiscutibel den e team eskos cu Sven Wage di Corsow. To hungador di Aruba cutambe a hanja un puesto den e team antiyano ta e arubano Emiliano

cuarteto keda completo a a acepta cu diasabra awor to cuater hungador di Aruba viba pa Corsow pa aya ena algun hungador curazo-

lenjo pa asina designa e di cua- ter homber.

E hungadornan di Aruba cu lo viba pa Corsow diasabra ta Cho- lan Jacobs, Anton Beumer y Mo- desto Désbarrida. Ta existi un posibilidad cu tambe Richard Si- mon bai hunga pa hanja un pues- to den e team antiyano. Den e forma aki ta sigur cu Antiyas lo presenta su mihor equipo posibel, loke lo garanti- sa un bon papel.

E paisnan cu ya a confirma nan participacion na e torneo ta Mexico, Cuba, Trinidad, Co- lombia, Venezuela, Guatemala, Honduras, El Salvador, mientras cu un ora of otro por drenta confirmacion di Panama, Costa Rica y Puerto Rico.

Esaki ta promer biaha cu den Antiyas tin un torneo interna- cional deportivo cu participa- cion di asina un cantidad di equiponan estranhero.

E torneo ta keda inaugura dia- domingo awor na Corsow.



Riba terreno di Imeldahof na Noord, e pareha a hanja un berdadero "treat" diasabra mainta, ora cu e muchanan di e institucion aki a presenta dos baile y canticanan na honor di e bishita halto cu nan a hanja. E foto ta muestra e prinses y e prins (mas na drechi) ta admira e ballenan di e muchanan. Baile y cancionnan e mainta aki tabata bau direccion di sra. Astrid Jong-Salazar y sr. Rufo Odor.



Diasabra atardi cuat'or e pareha real a principia un paseo turistico riba Aruba, bishitando algun di e sitionan turistico. E foto ta muestra prins Claus, kende tabata bisti cu carson blauw cla, T-shirt geel y sapato di goma, ta para den un di e bentananan di e ruinan na Bushiribana. Aparentemente prins Claus tambe ta trata na mira loke e joncuman na su man robez tabata sinta mira for di basta rato.



Durante e aubade di juventud arubano, e pareha real tabata pará ariba un balkon di Landskantoor.



E foto ta muestra e momento cu S.A.R. Princesa Beatrix ta yenando su plato cu e deliciasan riba e mesa cu tabata dorna cu un enorme cantidad di fruta. Aki e princesa ta ser yuda pa Sr Ike Cohen di Strand Hotel



Despues di e bishita na e ruinan di Bushiribana, e pareha real a sigi pa e brug natural di Andicuri. Aki nos por mira S.A.R. Princesa Beatrix (na drechi) ta para cla cu su camera pa filma e kibramento di e olanan riba barranca y e salto di prins Claus for di un di e rocanan riba e beach di Santo Blanco.

Empleadonan di Lago ta regala pareha real precioso mesa di huma

SAN NICOLAS - Dialuna atardi SAR Prinses Beatrix y SAR Prins Claus a haci un bishita cerca empleadonan di Lago Oil & Transport Co., Ltd. E empleadonan ey a presenta na e Pareha Princesca un mesa di huma cual nan mes a traha.

President di Lago Sr. W.A. Murray y Vice-President Sr J.M. Ballenger a duna bonbini na e Pareha Princesca na entrada p'abao di Lago su refineria, y di eynan e grupo a bai na Main Shops. Na e sitio aki empleadonan a ofrece na Prinses Beatrix

y Prins Claus e mesa traha cu nan mes man.

Despues di un paseo riba refineria, a sigi un reunion cu miembronan di Lago su gerencia y nan damas cu Nan Alteza Real den Esso Club. Aki refresco a worde ofreci y luego e alta concu-

AVISO

Cu e aviso aki nos ta pone na conocimiento di tur interesadonan cu N.V. E & G MARTIJN (ARUBA) estableci na Aruba, tin e unico representacion pa Aruba di Nescafé, (koffie en polvo) y cu exclusion di tur otro persona tin e derecho di importa e producto aki i poné ariba mercado na e isla aki. Importacion, ponemento den comercio, bende of ofrece pa bende Nescafé di otro manera cu pa intermedio di e unico representante menciona aki riba, lo worde considerá como un acto ilegal. Esun cu obra contrario na loke ta splica aki riba, ta expone su mes na accion dilanti di Huez pa poné paga danjo y perjuicio. Nos ta pone na atencion di un y tur cu pa medio di un sentencia di Huez cual a drenta na vigor, a worde fihá cu exportacion, particularmente di Nescafé Colombiano door di comerciantenan Colombiano, no ta permití y si un hende duna su cooperacion na tal acto esey lo trece e consecuencia mencioná aki riba.

N.V. E & G MARTIJN (ARUBA).



E tres empleadonan di Lago cu a traha e mesa di huma pa e pareha real. D.r.p.dr. M. Christiaans, J. Arrindell, D. Tromp.

rencia a sali for di Seroe Colorado pa bai San Nicolas.

E mesa cu empleadonan di Lago a ofrece na Prinses Beatrix y Prins Claus ta traha di palu wayaca, su mombier científico ta Lignum Vitae, gezaag den forma di isla di Aruba.

Ariba di e mesa tin un copia di planta di craqueo, catalítico (Cat Cracker) y un tanki di zeta, traha di metal allegheny cupor worde lombra masha bunita y cu no ta mancha. E metal aki ta un sorti di staal inosidabel.

E tanki di zeta ta sirbi como lugar pa warda sigaria.

E mesa aki a worde disenja y fabrica door di tres artesano di Lago M. Christiaans y J. Arrindell di Tin Shop y D. Tromp di winkel divers, Esaki ta e mes grupo di tres cu a traha e emblema di Korps Mariniers, cual compania a regala na Cuerpo di Infanteria di Marina na ocasion di celebracion di nan 300 anja di existencia.

Ademas tabatin den Main Shops un exhibicion artistico di varios

articulo di safety, cual Prinses y Prins a mira na e lugar ey.

Den arreglo di e articulo nan di seguridad nan a haci uso di un procedimiento di tres dimension cual pintornan ta usa. Cu e metodo aki a worde ilustra e esfuerzo cu Compania ta haci e aparatonan cu e ta usa pa su empleadonan traha cu seguridad.

(Lago News).

Oferta especial di

Wimco

durante e luna aki, Wimco ta regala fl. 50.-- mas un servies di 53 pida, ariba cada refrigerador General Electric di 12 pia cubico, cu ta costa solamente fl. 650.-- Ademas 10% descuentu pa compras cash ariba e oferta sensacional aki. Spaar placa y probecha di e ocasion aki.

Wimco

Oranjestad San Nicolas.

NO TABATIN PRESENTACION DI COPANAN DI FUTBOL

...STADION CERRA, PRESIDENT TA RETIRA....

(Di nos redactor deportivo)

Un total desorganisacion den nos mundo di futbol keda demonstra diasabra anochi dilanti di porta di Wilhelminastadion, caminda un grupo grandi di hungador y representantenan di diferente club tabata presente. Pa e anochi ey directiva di Aruba Voetbal Bond a anuncia un wega entre e seleccion cu a titula como subcampeon na e Decimo Weganan CentroAmericano y del Caribe y e seleccion juvenil cu ta preparando pa bai hunga cuminsamento di otro luna na Surinam. Tambe a wordu anuncia pa e anochi entregamento di e copanan na diferente campeonnan y subcampeonnan di e ultimo campeonato local.

programa tabata muestra ariba mes suficiente atractivo. Lastimamente sinembargo un total desorganisacion a pone e programa fracasa por completo. Y or ainda ta cu un total di nuebe hungador hubenil a bini for Corsow pa practica durante weekend y pues pa hunga e anochi ey tambe contra di e seleccion arubano. Na momento nos ta bayendo pa Wilhelminastadion, nos por a nota caba cu un tabata malo, ya cu e lusnan no tabata cendi. Dilanti di stadion un grupo grandi di futbolista y otro vincula cu deporte tabata discutendo e ultimo acontecimiento aki cu en realidad un berguensa pa e deporte di futbol na nos isla.

Na momento cu nos a yega dilanti di stadion y cuminsa ta hupreguntan tocante e problema nos por a nota cu tabata tin unicamente un miembro di directiva di A.V.B. presente, e secretario Chai Lacle. For di informacionnan obteni nos a haya sabi cu e president di A.V.B. John Merryweather, tabata presente pues tabata completamente na altura di loke tabata pasando, pero despues di a expresa cu "esey ta lo ultimo entre e y A.V.B. cu e ta retira como president di A.V.B.", Merryweather a bai andando e hungadornan y otro personanan ey dilanti di stadion. Di loke nos por a obtene informacion nos por a reconstrui e

asunto aki den e siguiente forma.

Segun e contract cu A.V.B. tin cu A.S.U. tocante uso di Wilhelminastadion, den casonan pa uso di stadion cu no ta di acuerdo cu e programa normal di wega previamente entrega na A.S.U. e directiva di A.V.B. tin di dirigi un carta na A.S.U. un cierto cantidad di ora promer cu e fecha solicitando pa e stadion. Esaki segun declaracion di e propio secretario di A.V.B. Chai Lacle. No a tuma lugar. Cu otro palabra directiva di A.V.B. NO a dirigi e carta necesario na A.S.U. pa pidi e stadion. Consecuentemente e cuidador di stadion Guillermo Zievinger no a ricibi e ordu pa habri e stadion pa e wega por tuma lugar.

E secretario di A.V.B. a informa nos sinembargo cu si e tesoroero di A.S.U. Cesar Kip ta na altura di e wega ya cu esaki a wordu avisa naturalmente y esaki a percura pa e bendedor di ticket di entrada ta presente. Pero, e secretario Lacle di A.V.B. ta bolbe confirma na nos cu en realidad e carta necesario no a bai pa directiva di A.S.U. Naturalmente un fallo serio cu consecuencia ya cu un grupo grandi di persona a bai stadion por nada y a keda cu un impresion masha pover di directiva di Aruba Voetbal Bond.

Na e mes momento sinembargo di varios otronan presente e comentario por a wordu tendi cu no ta promer biaha cu cartanan

necesario no ta wordu manda of ta wordu manda masha laat.

PRESIDENT DI AVB VICE PRESIDENT DI ASU.

Actualmente president di A.V.B. John Merryweather ta tambe e persona cu puesto mas halto den directiva di A.S.U. como vicepresidente di A.S.U. Isaak Franka a sali pa Hulanda cu vacation di seis luna. Ta e caso anto cu e mes persona ta ocupando e dos puesto na maximo di e bondnan concerni den e problema cu a presenta diasabra anochi. Naturalmente e dos puesto na mester wordu teni separadamente, ya cu no ta posibel pa bisa por ehempel: "Ya cu mi ta president di A.S.U. mi bond no tin mester di scribi carta." Esaki lo ta un abuso di e circumstancia y consentimiento di e mal administracion di A.V.B.

Sinembargo nos no ta kere cu e forma den cual e president di A.V.B. a actua diasabra anochi ta correcto. Nos no por aproba ora cu un president di un organizacion ta camina bai net na momento cu un problema basta serio mester wordu resolvi. Ta conoci cu e president Merryweather ya basta tempo ta disgusta cu e cooperacion di mayoria di otro miembronan di directiva. Ta un hecho cu mayoria di e miembronan di directiva ta keda sin presenta na ocasionnan caminda nan presencia ta necesario. Nos ta recorda e caso di despida na e seleccion cu a bai hunga na Puerto Rico, e caso di regreso di e seleccion for di Puerto Rico, despues di a bira subcampeon, nos por recorda e reunion caminda lot mester a wordu tira pa e proximo campeonato local y tambe nos por recorda e caso mas recien, esta esun di diasabra anochi caminda atrobe mayoria di directiva no a muestra su cara.

Talves si tabata tin mas miembro di directiva presente, anto un solucion por a ser hanja pa e problema, of a lo menos por a wordu haci un anuncio na tur e personanan presente.

No ta un secreto cu continuamente ta presentando problema entre e miembronan di directiva di A.V.B.

Frescura di Mentol

S
a
b
o
r

d
i

t
a
b
a
c
o
r
i
c
o

A
d
e
m
a
s
f
i
l
t
r
o

m
o
d
e
r
n
o



SALEM

ta refresca bo smaak

CRISIS NOBO???????????

Tur cos ta muestra cu e futbol arubano ta bayendo fuertemente den rumbo di un crisis nobo.

Tin e problema hopi serio tocante e estado financiero di e bond. Liga cu esaki nos ta hanja e problema cu e bondnan di referi cu ta exigiendo pago di parti di e debenan cu A.V.B. tin na nan promer cu nan dicidi coopera pa fluit weganan di e proximo campeonato local y a wor ta presenta cu e president di A.V.B. ta tuma su retiro. Ariba su mes e ultimo aki no ta un problema tanto serio ya cu tin un vice-president, pero tog e hecho aki ta duna un mal impresion especialmente como cu A.V.B. tin un peticion pendiente na Gobierno pa ayudo financiero. No mucho dia pasa nos a scribi caba com facil ta pa pone e deporte cal, pero com duro ta pa hise atrobe.

Na momento di scribi esey nos tabata tin e speranza cu e personanan en cuestion lo realisa nan debenan como dirigenten

di e deporte y lo haci nan best pa evita mas problema.

Lastimamente sinembargo ta resultando net contrario. E problema ta bira mas hopi, mientras cu mas falta di conocimiento di e responsabilidad di e obligacionnan como miembronan di directiva ta biniendo na cla.

Algo cu semper a intriga nos ta e hecho cu practicamente tur dia nos ta mirasosode. Personanan cu ta tuma cierto puesto den un of otro directiva, pero despues sea pa falta di capacidad, of pa falta di responsabilidad, of simplemente pa falta di amor pa e deporte, no ta cumpli cu e debenan di un dirigente. Nan ta despaunta e clubnan cu a deposita confiansa den nan como dirigente y directamente ta perhudica un of otro deporte cu hustamente nan a tuma e responsabilidad ariba nan schouder pa bai traha p'e.

No ta unicamente den nos mundo di futbol sino tambe den otro ramonan di deporte, e hecho aki ta presenta cu frecuencia.

SELECCION CUBANO DI BASEBALL TA BIN ARUBA

(Di nos redactor deportivo)

Un noticia sumamente agradable pa tur amante di baseball ta cu e novena cubano cu a conquista algun siman pasa e titulo di campeon di Centroamericano y del Caribe na Puerto Rico, lo yega nos isla ariba dia 29 di juli pa permanece un dia y hunga un serie di wega contra e seleccion local.

E deliberacion deportivo for di Cuba ta trece un equipo di ping pong pa Corsow pa participa den e torneo internacional organisa door di e bond di ping pong di Corsow. Como cu ta henter un avion militar ta percura pa e transportacion a surgi e idea di trece tambe e seleccion di baseball pa Aruba.

Manolo Gonzalez actual president di e comite olimpico di Cuba a haci e oferta na Amateur ta esaki mesora.

Como cu e avion militar tin di bai back pa Cuba, lo viaha e on-cena di Estrella pa bai hunga un serie di algun wega di futbol na e pais di Fidel Castro.

E delegacion di baseball cu ta bin Aruba lo ta encabesa pa e propio Manuel Gonzalez.

Otro personanan cu ta forma e delegacion ta: Lazaro Martinez, Antonio Serreano, Eulio Linares, Vicente Diaz, Jorgellerandez, Felix Rosa, Agustin Maquetti, Elpidio Mancebo, Rigoberto Rosique, Paul Reyes, Maximiliano Reyes, Roberto Valdes, Lazaro Santana, Oscar Romero, Justino Gavila, Orlando Salom, Juan Gomez y Juan Breijo.

No ta conoci exactamente ainda e programma di weganan cu e fuerte equipo cubano lo hunga na nos isla. Nan lo sali for di Aruba dia 5 di augustus. Indudablemente esaki ta un oportunidad unico pa tur amante di deporte por mira un fuerte novena di baseball den accion, un equipo cu tin diferente hungador cu ta cla pa haci e stap pa bira profesional, un stap cu sinembargo dificilmente nan lo por haci.

BARMOUTH -- UFI -- Un embarcacion di placer cu 38 persona abordo a dal contra un brug banda di e ciudad. Segun poliznan cuater muher a muri y como ocho persona a desaparece. Segun poliznan e vapor "Pince of Wales", a trata na traca na Penmaenpool, pero el a ser hali pa corriente (stroom) contra pillarnan di e brug.

Un dje tripulantenan Eric Briggs, a manifesta na autoridanan cu tur personan cu tabata a bordo a cai na awa. Varios di nan a ser salba pa transeuntes pero como 15 a ser lastra pa corriente.

Noticia di poliz ta bisa cu p' lo menos 26 di nan a ser atendi na hospital local, pero ningun di nan ta na grave estado.

Poliznan a informa cu ya cuater cadaver a ser saca for awa desvorador dje rio y nan ta bisa cu ainda no por duna e cifra exactamente.



E prome bishita di e pareha real riba diasabra mainta, tabata na hospital San Pedro di Verona na Oranjestad. Despues cu na e entrada di miembronan di e Regentenraad a ser presenta na e pareha, e ultimo a haci un bishita na e paviljoen di e muchanan y di e ancienonan. E zuster na e cura pa cada mucha tabatin su bandera oranje pa saluda e pareha asina cu e jega. E foto ta muestra e momento cu S.A.R. Princesa Beatrix ta camina banda di Monseñor Holterman, obispo di Willemstad y presidente di Regentenraad di e hospital, na caminda pa e paviljoen di muchanan. Mei-me di nan nos por mira S.A.R. Prins Claus y na cada banda, e empleadonan di e hospital den nan uniform blauw, blanco y corra.

PORTUGAL-INGLATERRA-ALEMANIA Y RUSIA A PASA PA SEMIFINAL

Argentina-Uruguay-Hungria y Corea a ser elimina

E proximo dos partidonan lo ta :
ALEMANIA CONTRA RUSIA
PORTUGAL CONTRA INGLATERRA

LONDRES -- UPI -- Corea a sorprende mundo futbolístico, ora cu nan a anota e prome gol di cuarto final den e prome minuut, contra nada menos cu contra Portugal di e gran Eusebio.

No a tarda mucho cu Corea del Norte ta aumenta e ventaha aki na dos-cero y despues tres-cero. E negro "preto" Eusebio no a tarda pa marca su prome y na di cuarenta y tres minuut e mesun Eusebio ta marca su segundo gol di e partido pa hasi e score 3-2.

E partido Argentina y Inglaterra, tabata esun cu tabata causa mas tantu problema, e argentinonan tabata ser castiga severamente pa e hungadornan ingles, y naturalmente cu no tabata sosode nada como cu e referee tabata na fabor di e inglesnan. Un wega brutu ta surgi y den esaki

e hungador Rattin di Argentina ta ser expulsado for di wega manera cu nan ta sigi hunga cu dies homber.

Den e segundo tempu, Roma ta trece salvacion espectacular riba un tiru di Hunt, desviando esaki pa corner.

Ora cu e corner ser ejecuta, Roma ta salt pa intercepta e cuero, pero na altura di mas o menos dos meter e ta ser ataca pa un delantero ingles di tal manera cu esaki ta cai di lomba riba suela, na di cuater minuut.

E referee, un blaha mas a actua como si fuera nada a pasa. Esaki tambe si mester tabata un otro referee, e hungador Hunt lo ser expulsado di terreno, pero

como cu e referee tabata na fabor di e inglesnan.

Durante cu nan tabata transmiti e partido e locutor tabata anuncia cu si Argentina no perde cu Inglaterra cu ta hungando cu un team completo y referee na nan fabor contra e dies hungador di Argentina cu a keda den terreno, lo ta un milagro.


Rusia y Hungria na final di e prome periodo tabata uno-cero pa Rusia, pero no a tarda hopi den e segundo tempu cu e rusianonan a marca nan segundo gol pa bai dilanti 2-0.

Alemania Occidental contra Uruguay na final di e prome periodo tabata 1-0 na fabor di e alemanan. E hungadornan aleman tabata hunga masha duro, per e uruguayonan a keda cu bon dominio riba e bala. Un hungador uruguayo ta ser expulsado di terreno.

Portugal den su partido tabata bini ketu bai na mihor wega y Eusebio tabata muestra e hungador cu den e campeonato aki lo ricibi tur fama. Den e segundo periodo e ta marca e gol di empate na tres y despues e ta hasi score cuater-tres na fabor di Portugal contra Corea del Norte.

Den e wega Hungria Rusia un hungador ruso ta peer un bala, cual ta dal den un clabu den dak di tribuna door di cual e bala ta rementa y un balon nobo mester a bini den wega.

Argentina no obstante tabata hunga cu dies hungador tabata domina y inglesnan convencidamente y constantemente e locu-



LIVERPOOL -- Radiophoto UPI -- E segundo gol di Corea del Norte ta ser marca contra Portugal. E Coreanonan contento ta felicita otro pa e ventaha temporal cu nan a registra.

tor tabata anuncia cu si e partido termina empatado, lo lo mester cai na fabor di Argentina, ya cu e hungadornan aki tabatin mucho contratiempo durante e torneo.

Rusia durante su wega contra Hungria a aumenta nan score na tres-uno.

Uruguay hungando cu nueve homber tabata perdi 3-0 den e segundo.

Den di 32 minuut Inglaterra ta marca e prome gol di wega contra Argentina.

Nan tabata anuncia cu hues di liña a señala dos hungador den posicion offside, pero e gol a ser acepta pa e referee. E fanaticonan di e partido a baha den terreno pa felicita e hungadornan ingles, pero rapidamente nan a ser retira for di terreno pa polis.

Augusto di Portugal na di 34 minuut ta marca e quinto gol pa su equipo, poniendo e score asina na 5-3.

Uruguay tabata den defensa y especialmente e portero Mazurkiewicz tabata den forma espectacular pa salba e hopi tirunan y wega shushi cu nan tabata hunga. E tirunan fuerte di e alemanan tabata cai chikitu den man di e heroico keeper uruguayo.

Den e ultimo minuut e referee aleman ta menasa un hungador.

E wega entre Inglaterra y Argentina a termina amistosamente, caminda e hungador nan di e dos paisnan a cambia - camisetanan mustrandando nan amistad riba terreno.

E partido a termina: INGLATERRA 1 - ARGENTINA 0.

E partido Uruguay cu Alemania Occidental a termina cu score di 4-0 na fabor di Alemania Occidental.

Rusia tambe a clasifica pa semifinal, caminda nan a gana Hungria cu score di dos-un. (2-1).

Portugal cu tabata perdi cu score di 3-2 na final di e prome periodo ta bini di atras den e periodo complementari pa score tres gol y asina clasifica pa semifinal, venciendo Corea del Norte cu score di cinco-tres.

MONTEVIDEO -- UPI -- E poder ehecutivo a designa na consehero nacional Washington Beltran pa presidi e delegacion Uruguaya cu lo asisti na transmision dje mando presidencial na Colombia, acto cu lo tuma luga dia 8 di Agosto.



WEMBLEY, -- Radiophoto - UPI - Foto di awe mainta -- Antonio Ramon di Argentina, di tres na man drechi ta discuti cu referee Kreittin, encuanto expulsion di Rattin for di wega. Completamente na man drechi nos por mira e capitán di Inglaterra Bobby Moore, huntu cu Jorge Solari di Argentina, segundo na man drechi.

Door familieomstandigheden was ik genoodzaakt om plotseling naar Nederland te vertrekken.

Langs deze weg groet ik al mijn vrienden en kennissen op Aruba.

KAREL H. SMITS

p/a Oduber en Kan - Aruba

Toekomstig adres: Pres. Rooseveltlaan 108C
Maastricht, Nederland.



LIVERPOOL -- Radiophoto UPI -- Foto di awe mainta Korea ta score su prome gol contra Portugal. Portero Ferreira di Portugal no por a hata e bala pa evita e anotacion.

FULLBRIGHT LANZA CRITICA FUERTE CONTRA POLITICA DI JOHNSON

WASHINGTON—UPI— E senador demócrata di Arkansas William Fullbright, president di comision di relacionnan exterior di senado a declara ayera den un discurso di alta camara cu ta parece como si fuera cu President di Estados Unidos Lyndon B. Johnson ta creando un doctrina pa Asia yen di peligrosopotencial pa Estados Unidos, sin consulta cu congreso.

Fullbright su comentario den e discurso di Johnson di dia 12 di Juli, ta aduci cu e mes ta representa un cambio radical dje politica nacional den e sentido di cu e ta haci virtualmente limita den loke e ta pretende na logra y unietral den su ehecucion.

Nº e mes momento e senador ta basa den e hecho, cu segun e ta afirma, e asistent presidencial pa asuntunan di seguridad Walt Rostov a bisa cu segun su opinion Estados Unidos mester a converti su mes den un gran potencia asiatica, locual cu Fullbright a muestra cu lo bin ocasiona pa Estados Unidos un sorpresa desagradable.

E orador a cita tambe palabranan dje vicepresidente Hubert Humphrey den apoyo di su actual politica asiatica nobo prome cu e defende un irrevocable compromiso nacional sin e sin e conocimiento y n'isikiera e conocimien- to di senado.

Fullbright a adverti cu aplicacion dje politica di bienestar social di "Le Grand Sociedad", na Asia lo por conduci na algun dificultad cu a surgi dje

doctrina di Monroe na America Latina.

Ta ser puntra cu un poco sarcasmo, cu si doctrina asiatica lo cosecha pa Estados Unidos algun cumulo ricu di afecto y democracia como esun di doctrina di Monroe, un otro ta puntra cu China lo acepta e hegemonia estadounidense cu e mes gracia manera el a acepta e doctrina di Cuba y republica Dominicana. Un otro ta puntra cu tin hende cu por ta pensa algun bez cu por inquiri di asiaticonan cu en realidad nan ke ingresa den Le Grand Sociedad. Fullbright a afirma qu ta awor Estados Unidos a cuminsa po-

litica multilateral den exterior; tantu bao di auspicionan di Nacionnan Uni como tambe na Corea, tantu huntu cu su aliadonan, como tambe huntu cu eplan Marshall y den Alianza Atlantica. El a agrega cu na Vietnam nos ta bringando virtualmente soypa propositonnan indefini den un guerra cu no ta un conflicto internacional sino un insureccion den parti di un pais dividi apoya pa e

otro parti.

E president di senado Mike Mansfield a impugna e tesis di Fullbright manifestando cu hamas a ser percibi e enunciaciion di parti dje ehecutivo di un doctrina di Johnson of... asiatica.

El a indica cu aunke cu e president ta desea na alenta obran- nan di desarrollo den oriente, y aunke cu Estados Unidos ta un potencia di pacifico, e no ta kere cu den e mandatario ta existi

esey dilanti di senado pa su ex- aminacion y consentimiento, al menos asina e ta spera.

Di su banda e secretario di prensa di Casa Blanca, Bill Moyers, paplando na nomber di Johnson a declara cu e acusa- cion di Fullbright tabata infunda di razonamiento forza, decep- cionante e incongruente.

Moyers a asevera cu e discurs- so di Johnson di dia 12 di e lu- na aki menciona pa Fullbright

no a refieha ningun cambio ab- soluto den e actual politica ge- neral, y ta contene concepto- nan cu e mes senador a respal- da.

El a agrega cu e no a conoce ningun otro president cu sa con- sulta cu mas frecuencia cu sena- do manera president Johnson, ken- de a haci excepcionnan den su custombernan, tratando di aso- cia e senado na desenvolvimien- to dje politica presidencial.



Jegada na BASI RUTI HOTEL. Manager Sr. J.V. Camara y esposa a wordu presenta na e pareha real door di gezaghebber O.S. Henriquez.

Declaracion di presidente chino

TOKIO -- UPI -- President di China Comunista Lui Shao Chi, a afirma awe dilanti di un con- centracion di un millon di per- sona reuni na Pekin cu e agre- sion norteamericano contra Viet- nam del Norte ta un agresion contra China Roja.

E pueblo Chino a tuma cuenta perfectamente di esey y a haci tur preparativonan pa emprende e accionnan necesario den cual- kier momentu y den cualkier lu- ga ora cu e pueblonan Chino y Vietnam ta hanja esey con- viniente pa asesta golpenan conjunto na e agresornan nor- teamericano.

Nos mester adverti seriamente e agresornan norteamericano. Nos no ta calcula malu nos no ta huzga equivocadamente nos adversario- nan."

E declaracion di Lui, difundida pa agencia comunista Nueva China, tabata sigui pa expresionnan en- cendi di viceprimer Ministro

CISCO KID



Supension di e avion colombiano

SANTIAGO - UPI - Fuerza aerea di Chile a duna como termina e busqueda dje avion Colombiano cu a perde den cordillera di Andes dia 11 di Juli, cu ocho per- sona abordo.


E operacionnan a ser suspendi ora cu a termina e reconocimien- to total dje posible rutan cu e avion mester a sigui ora cu el a sali Santiago cu destino pa Bue- nos Aires.

Nan ta informa cu nan a veri- fica tur e datonan obteni den di- cho reconocimientonan, igual cu e informacionnan proporciona pa varios radioaficionadonan, sin cu nan a yega na un resultado positivo.

RIO DE JANEIRO -- UPI -- Un explosion a destrui ayera e la- boratorio quimica di facultad na- cional di farmacia, den barlo di Botafogo.

E explosion a destrui portanan y bentananan dje edificio vecino, incluso esun di centro brasile- ño di investigacionnan. Nan ta informa cu no tabatin perdidan y cu e danjonan material ta cos toso.

BUCHI ROBES



RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di FRIESCHE VLAG

lechl evaporado y lechl en polvo

MAXWELL HOUSE KOFFIE



POR CUMPRAR ARUBAANSE
COURANT NA E SIGUIENTE
LUGARNAN:

NA ORANJESTAD:
BOEKHANDEL MARISKA
PIET SODA FOUNTAIN
REFRESQUERIA INGRID

NA SAN NICOLAS
NICOLAS STORE
UNION STORE

- 9.15 Peticion na Telefoon
- 10.00 Noticia Internacional
- 10.10 Intermedio musical
- 10.30 Programa de N. Habibe Jr.
- 11.00 Noticia Lokaal
- 11.10 Intermedio Musical
- 11.15 Musica Antillana
- 11.30 Musica Varia
- 12.00 Intermedio Musical
- 12.15 Noticia Internacional
- 12.30 Musica Norteamericana
- 12.45 Noticia Lokaal (Viana)
- 1.00 Musica Varia
- 1.30 Mel ora cu boleros
- 2.00 Musica pa cortesia di Colgate Pal.
- 2.30 Verzoekplaten programma (reptición)
- 3.00 Kinderprogramma
- 3.15 Ritmos Latinos
- 3.30 Musica Varia
- 3.45 La Macorisana & International Super.
- 3.55 Musica cu sabor Azteca
- 4.30 Noticia Lokaal (Heinekens)
- 4.45 Cocktail Musical
- 5.00 Musica pa teenagers
- 5.30 Musica Varia
- 6.00 Noticia Deportiva (Gillette)
- 6.15 Musica Varia
- 6.30 Musica para la cena
- 6.45 Voorlichtings Dienst A.V.D.
- 7.00 Musica Hulandes
- 7.45 Musica Norteamericana
- 8.15 Musica pa cortesia di Colgate Pal.
- 8.45 Musica Varia
- 9.00 Programa di Voice of America
- 9.15 Musica Varia
- 10.00 Sluiting

DICK TRACY

presenta pa cortesia di:

VICTORIA BOTTLING COMPANY

PEPSI-COLA -- SEVEN UP -- GRAPETTE-KIST--

VICTORIA SODA WATER-- BUFFALO ROCK--GINGER ALE



PEPITA



Radio Antillana

- 5.30 Apertura y oracion
- 5.35 Manianitas Arubanas
- 5.45 Melodias di Wild West
- 6.10 News in English
- 6.30 Noticia na Papiamento
- 6.45 Religious Program
- 7.30 Noticia na Papiamento
- 7.45 Programa di Jule Nieuw
- 8.00 Espacio pa un Ritmo Criollo y un Poesia.
- 8.10 Variedad Musical
- 8.30 Musica y Consejo dedicada tur nos Amigonan Automobilista.
- 9.00 Noticia na Papiamento
- 9.15 Espacio pa nos cantante(nan) invita
- 9.30 Mejico cantando via Radio Antillana
- 10.00 Intermedio Musical
- 10.20 Programa di La Macorisana e International Supermercado.
- 10.40 Momento di Ritmo
- 11.00 Musica Antillana
- 11.15 Voznan Popular
- 12.00 Oracion di Merdia
- 12.03 Seccion Informativo
- 12.20 Noticia na Papiamento
- 12.30 News in English
- 12.45 Capsulas en Orbitas alrededor di Mundo deportivo
- 1.00 Noticia na Papiamento
- 1.30 Fiesta Calypso
- 2.00 Recordando Ayera
- 3.00 North-American Music Request by phone
- 4.00 La Esperanza y su Obsequio Musical
- 4.30 Variedad Musical y Complacencias.
- 5.00 Noticias na Papiamento
- 5.15 Calypsoarama
- 6.00 Desafiendo nos oyentenan.
- 6.15 Musica Colombiana
- 6.30 Noticias na Papiamento
- 6.45 Variedad Musical
- 7.00 Felicitaciones y complaciendo peticiones
- 7.45 Programa di Jule Nieuw
- 8.00 Programa di Club Bonaireano
- 8.15 Continuacion di Felicitaciones y complaciendo peticiones.
- 8.30 Programa di Reddy Kilowatt
- 9.00 Desfile di Exitos
- 10.00 Anioranzas
- 10.30 Impacton Musical
- 11.00 Melodias y Romance Musical
- 12.00 Clausura.

Desea Triunfar?

El Centro Científico

ACUARIO

Pone a sus ordenes el Maravilloso

PERFUME ZODIACAL

Sortilegios que ha causado sorprendentes resultados en conquistas del Amor, Negocios, Fortuna y Simpatía en Sociedad éste Perfume se enviará acompañado de su HOROSCOPO PERSONAL GUIA DE SU DESTINO. Envíe fecha de su nacimiento completa o un retrato y solicite hoy mismo información GRATUITA al

Célebre Dr. Kler Acuario
Apartado 1131
Quito-Ecuador.

Coronel Escobar a hui foi prison

RIO DE JANEIRO -- UPI -- A hui foi prison e Coronel Atila Cavaleiro Escobar, asina a ser informa pa un agencia di noticia "Meridional" den un despacho di Puerto Alegre.

Coronel Escobar tabata presu y na disposicion di husticia den cuartel dje companianan di guardia. E tabata amigu di ex-gobernador Leonel Brizola y tabata un actuacion destaca ora cu presiden

Janio Cuadros a renuncia y cu vicepresidente Joao Goulart a asumi presidencia. E Coronel ta acusa di subversion y di tabata complice den un complot di asesina figuranan politica di estado di Rio Grande.

Voz di Aruba

- 5.57 Apertura
- 6.00 Wake up easy (Country music)
- 7.00 Escala en Mejico
- 7.30 Noticias (Papiamento)
- 7.45 Monitor 1325
- 8.15 Noticias (Ingles)

- 8.30 Regalo Musical
- 10.00 Novela
- 10.30 Fantasia Musical
- 12.00 Musica Europea
- 12.15 Noticias (Hulandes)
- 12.30 Noticias (Papiamento)
- 12.45 Melodias Instrumental
- 13.00 Noticias local (Papiamento)
- 13.15 Artistas Antillanas
- 14.00 Via 10 musical
- 15.45 The chatter platter
- 16.15 Noticias (Ingles)
- 16.30 Complacencias felicitaciones
- 17.00 Ban Econ. Cump. na La Esperanza
- 17.30 Deporte na Marcha
- 17.45 Atardecer Musical
- 19.00 Noticias (Papiamento)
- 19.15 A.B.C. Der Cultuur
- 19.30 Turntable 65
- 20.30 Voz di Aruba Safe Driving Car Club
- 23.00 Clausura

Radio Victoria

- 6.00 Apertura
- 6.15 E Bijbel Habri
- 6.30 El Camino de Victoria
- 6.45 La Biblia Abierta
- 7.00 Musica
- 7.10 Llamada a la Conciencia
- 7.15 Noticias Español
- 7.30 English News
- 7.45 Christian Emphasis
- 8.00 Bo Musica Favorito
- 8.30 El Pan de Vida
- 8.45 Canticanan di Evangelio
- 9.00 Mundo Femenino
- 9.15 Ultimas Noticias
- 9.30 Morning Melodies
- 10.00 The Bible For You
- 10.15 De Grazige Weide
- 10.30 Through the Bible

- 11.00 Showers of Blessing
- 11.15 Organ Melodies
- 11.30 Melodias di Merdia
- 12.00 Ultimas Noticias
- 12.10 Lago Music Hall
- 12.25 Call of Calvary
- 12.30 English News
- 12.45 Quiet Time
- 1.00 Radio Concert Hall
- 2.00 Reading Room
- 2.15 Quiet Hour
- 2.30 Radio Revival
- 3.00 Afternoon Musicale
- 3.30 Ensueños Musicales
- 4.00 Música di Banda
- 4.15 Ultimas Noticias
- 4.30 Listening Post
- 4.45 Sailor Sam
- 5.00 Muchanan Pa Cristo
- 5.15 Palabranan di Bida
- 5.30 La Hora Nazarena
- 5.45 La Biblia Abierta
- 6.00 Ultimas Noticias
- 6.15 Meditacion Cristian
- 6.30 English News
- 6.45 Nederlands Nieuws
- 7.00 Voor Zijn Glorie
- 7.15 Off the Record
- 7.30 Unshackled
- 8.00 Musical Gems
- 8.30 Back to the Bible
- 9.00 Klassieke Muziek
- 9.50 Dagsluiting
- 10.00 Sign Off

Radio Kelkboom

- 7.00 Opening
- 7.02 Bon dia cu alegría (Inst.)
- 7.30 Noticia Internacional
- 7.45 Seleccion musical Latino-Americano
- 8.00 Musica Varia
- 8.30 Cumpleaños Feliz
- 9.00 Noticia Social